

Allagaateqarfeqarneq pillugu Inatsisartut inatsisaata allanngortinneqarnera pillugu Inatsisartut inatsisaat (Toqqorsiveqarfiup toqqortaataani toqqartukkani allaaserineqaaqqaartut maleruagassat allaaserineqarsimasut toqqortarineqarnissaannut aamma toqqortat inuk pillugu paasisutissanik ilaqartut il.il. toqqortarineqartarnerannut, tunniunneqartarnerannut atorneqartarnerannullu tunngaviusussaq)

§ 1

Allagaateqarfeqarneq pillugu Inatsisartut inatsisaanni nr. 5, 3. juni 2015-imeersumi tulluittut
allanngortinneqarput:

1. § 1, imm. 2, ima oqaasertaqassaaq:

“ Imm. 2. Naalakkersuisut maleruagassatigut aalajangersarsinnaavaat Inatsisartut inatsisaat
tamakkiisumik ilaannakortumilluunniit atortuussasoq ingerlatseqatigiiffinnut, suliffeqarfinnut il.il.
erseqqinnerusumik taaneqartunut pisortat ingerlatsinerannut naatsorsuunneqarsinnaanngitsunut.
Aatsaalli taamaattoqartassaaq sulinerminni aningaasartuutaat tamarmik amerlanersaalluunniit pisortanit
akilerneqartarpata imaluunniit Inatsisartut inatsisaat imaluunniit peqqussut naapertorlugu pisortat
sinnerlugit aalajangiinissaminut pisinnaatitaaffilerneqarsimappata.”

2. § 6 imatut oqaasertalerneqarpoq:

” **§ 6.** Pisortat sullissiveqarfiutaasa, toqqortaatimik qaqugukkulluunniit isumannaatsumik
suliarineqarnissaat toqqortarineqarnissaallu isumagissavaat. Elektroniskimik toqqortat
suliarineqassapput toqqorneqarlutillu Nunatta Katersugaasiviata Allagaateqarfiatalu atortulersuummi
akuerisaani, taakkulu qarasaasiamut toqqorsiviusumut millisillugit nuunneqarsinnaassapput.

Imm. 2. Pisortat sullissiveqarfiutaasa toqqortatik pisortat sullissiveqarfiisa allat toqqortaataannit
immikkoortissavaat, taamaattoq tak. imm. 3.

Imm. 3. Naalakkersuisut aalajangersinnaavaat, Inatsisartut inatsisaat atsiukkat siullerpaat, Inatsisartut

peqquussutaat, Namminersornerullutik Oqartussat aamma Namminersorlutik Oqartussat peqqussutaat kiisalu kommunit ileqqoreqqusaat, toqqorsiveqarfiup toqqagaani toqqorsivimmi toqqortaatigineqassasut.”

3. § 8, oqaaseqatigiit aappaat, imatut oqaasertalerneqarpoq:

”Kommunini ingerlatsiviit toqqortaatinik suliarinnittarnerat toqqortaqartarnerallu pillugit maleruagassat aamma kommuninut isumaqatiginninniareernikkut aalajangersarneqassapput.”

4. § 8-p kingorna ivertinneqassaaq:

” **§ 8 a.** Nunatta Katersugaasiviata Allagaateqarfiatalu pigisanik, Inunnut paasissutissanik suliarinnittarneq pillugu inatsisip Kalaallit Nunaannut atuutilersinneqarnera pillugu peqqussummut ilaasunik, toqqortarinnittarnera pillugu ersarinnerusunik maleruagassanik, Datatilsyn-imit oqaaseqaammik pissarsinerup kingorna, Naalakkersuisut aalajangersaasinnaapput.”

5. § 10, oqaaseqatigiit aappaat, ima oqaasertaqarpoq:

”Kommunini ingerlatsiviit toqqorsiveqarnermut allakkanillu nalunaarsuiffeqarnermut pilersaarutinik suliaqartarnissaat pillugu maleruagassat aamma kommuninut isumaqatiginninniareernikkut aalajangersarneqassapput.”

6. § 12, imm. 1, imatut oqaasertaqartinneqassaaq:

”Toqqortaatit ukiunit 15-init pisoqaanerusut pisortallu sullissiveqarfutaata sulinerani atorussaajunnaartut, kinguarsarnertaqanngitsumik Nunatta Katersugaasivianut Allagaateqarfianullu tunniunneqassapput. Pisuni immikkut ittuni aamma Nunatta Katersugaasivianut Allagaateqarfianullu isumaqatigiissuteqarnikkut tunniussineq piffissami allami pisinnaavoq. Piffissami allami tunniussisoqassappat tamanna Nunatta Katersugaasivianit Allagaateqarfianiillu qinnuiginninneq malillugu pissaaq.”

7. § 13, imm. 2, ima oqaasertaqarpoq:

” **Imm. 2.** Nunatta Katersugaasiviata Allagaateqarfiatalu inassuteqarnerata aamma Datatilsyn-imit oqaaseqaammik pissarsinerup kingorna, matumani elektroniskimik toqqortat ilanngullugit, Inunnut paasissutissanik suliarinnittarneq pillugu inatsisip Kalaallit Nunaannut atuutilersinneqarnera pillugu peqqussummut ilaasunik toqqorneqartussanillu, toqqorneqartussanik tiguisarneq pillugu ersarinnerusunik maleruagassanik Naalakkersuisut aalajangersaasinnaapput.”

8. § 14 imatut oqaasertalerneqassaaq:

” **§ 14.** Pisortat suliffeqarfutaata attartorlugit angerlaakkallarsinnaavai nammineq allagaatit toqqortaatigineqalersut, sulianut atatillugu atorumallugit, tak. taamaattoq § 21 c.”

9. § 14-imi kapitali 4-p kingorna ivertinneqassaaq:

” **§ 14 a.** Pisortatut oqartussaasoq kinaluunniit siusinnerusukkut maannakkulluunniit pisortatut oqartussaasunit toqqortaatigineqarsimasunik tigusaqaruni pissarsiaqaruniluunniit, tamanna pillugu Nunatta Katersugaasivianut Allagaateqarfianullu ingerlaannartumik nalunaaruteqassaaq. Toqqortaatinik taama ittunik oqartussaasut neqeroorfigineqarunik imaluunniit toqqortaatip piunera pillugu arlaatigut

ilisimasaqalerunik taamatuttaaq Nunatta Katersugaasivianut Allagaateqarfianullu tamanna pillugu ingerlaannartumik nalunaaruteqassapput.”

10. § 19 kingorna ivertinneqassaaq:

” **§ 19 a.** Toqqortaatit tamanit pissarsiarineqarsinnaanngitsut, pissarsiarineqarsinnaaneratt pillugu ersarinnerusunik maleruagassanik Naalakkersuisut aalajangersaasinnaapput”.

11. § 21, imm. 2-mi, ivertinneqassaaq oqaaseqatigiit aappaatut:

“Nunatta Katersugaasivia Allagaateqarfialu atukkiussinnermut atasumik piumasaqaateqarsinnaavoq.”

12. § 21 kingorna ivertinneqassapput:

” **§ 21 a.** Nunatta Katersugaasiviata Allagaateqarfialu pisuni aalajangersimasuni allagaatinik, allagaatinik toqqorsivinniittunik ataatsimoortunik imaluunniit allagaatinik ataatsimoortunik toqqorsivinnik arlaqartunik ataatsimoortunik imaqartunik Nunatta Katersugaasivianut Allagaateqarfianullu tunniunneqareersimasunik atuinnissamut akuersissut nalunaarutigisinnaavaa, atuisinnaanermut piffissaliussaasup naannginnerani, tak. taamaattoq § 21 b aamma c.

§ 21 b. § 21 malillugu akuersissut, oqartussaasup tunniussisup akuersinneranik piumasaqaateqarpoq, imaassimappat

- 1) allagaatigineqartup imaluunniit toqqortaatigineqartup pissarsiarineqarsinnaanerannut piffissaliussaq § 17 malillugu aalajangersarneqartumit sivisuneruppat,
- 2) toqqortaatigineqartoq imaluunniit allagaatigineqartoq ukiunik 25-nik nutaaneruppat imaluunniit
- 3) toqqortaatigineqartoq naalagaaffimmi oqartussaasumit pissarsiarineqarsimappat, tak. § 18.

§ 21 c. § 21 malillugu akuersissut Datatilsyn-imiit akuersissummik pisariaqartitsivoq, toqqortaatigineqartoq pisortat ingerlatsiviisa akornanni oqartussaasumit tunniunneqarsimappat aamma innunat ataasiakkaanut inuttut atugaannut tunngasunik paasissutissanik imaqarsimappat aamma

- 1) paasissutissat siusinnerusukkut suliarineqarsimasut Innunik paasissutissanik suliarinnittarneq pillugu inatsisip Kalaallit Nunaanni atuutilersinneqarnera pillugu peqqussummut ilaasimappata imaluunniit
- 2) paasissutissat qarasaasiakku-nalunaarsuiffimmit pissarsiarineqarsimappata, pisortat ingerlatsinneranni suliarineqarsimasut.”

13. § 22 kingorna ivertinneqassaaq:

” **§ 22 a.** Paasissutissanik, Innunat paasissutissanik suliarinnittarneq pillugu inatsisip Kalaallit Nunaannut atuutilersinneqarnera pillugu peqqussummut ilaasunik, atornerinut piumasaqaatit pillugit maleruagassanik, Datatilsyn-imit oqaaseqaammik pissarsinerup kingorna, Naalakkersuisut aalajangersaasinnaapput.”

14. § 26 kingorna ivertinneqassaaq:

”Kapitali 6 a

Paasissutissanik paasitinneqarnissamik qinnuteqaat, Innunat paasissutissanik suliarinnittarneq pillugu inatsisip Kalaallit Nunaannut atuutilersinneqarnera pillugu peqqussummut ilaasoq

§ 26 a. Paasissutissat Inunnut paasissutissanik suliarinnittarneq pillugu inatsisip Kalaallit Nunaannut atuutilersinneqarnera pillugu peqqussummut ilaasut, Nunatta Katersugaasiviani Allagaateqarfianilu toqqortaatineqartussatut nuunneqarsimasut, pillugit paasissutissanik pissarsitinneqarnissaq pillugu inuk kinaluunniit Nunatta Katersugaasivianut Allagaateqarfianullu qinnuteqaammik saqqummiussisinnaavoq.

Imm. 2. Imm. 1 malillugu qinnuteqaatip, paasissutissanik taakkuninnga suliarinneqqaartuusimasoq, oqartussaasoq nalunaassavaa.

Imm. 3. Paasitinneqarnissaq pillugu qinnuteqaat tamanna pillugu Inunnut paasissutissanik suliarinnittarneq pillugu inatsisip Kalaallit Nunaannut atuutilersinneqarnera pillugu peqqussummi aalajangersakkat malillugit oqartussaasumut pineqartumut aalajangiisussamut, Nunatta Katersugaasiviata Allagaateqarfialu ingerlateqqissavaa.

Imm. 4. Nunatta Katersugaasivianut Allagaateqarfianullu tunniunneqarsimasunik inuit namminneerlutik toqqortaataannik paasitinneqarnissaq pillugu qinnuteqartoqartillugu, Inunnut paasissutissanik suliarinnittarneq pillugu inatsisip Kalaallit Nunaannut atuutilersinneqarnera pillugu peqqussummut ilaasunik, peqqussummi aalajangersakkat malillugit tamanna pillugu toqqortaasivik aalajangiissaaq. Qinnuteqaatip paasissutissanut akisussaasuusoq, paasissutissanik pineqartunik suliarinneqqaartuusooq, nalunaassavaa”

15. § 27, imm. 1, ima oqaasertaqarpoq:

”§ 5-imik, § 6, imm. 1-imik aamma 2-mik, § 7-imik, § 9, imm. 2-mik, § 11, imm. 2-mik, § 12-imik, § 13, imm. 1-imik, § 14 a-mik, § 22-mik aamma § 26-mik aamma § 21, imm. 2 naapertorlugu piumasagaatinik aalajangersarneqarsimasunik unioqqutitsineq, Kalaallit Nunaanni pinerluttulerinermut inatsimmi maleruagassat malillugit akiliisitsinermik kinguneqaateqartinneqarsinnaavoq.”

§ 2

Inatsisartut inatsisaat manna ulloq 1. januar 2020-mi atuutilerpoq.

Imm. 2. Inatsisartut inatsisaat toqqortaatinut, Inatsisartut inatsisaata atuutilernera sioqqullugu oqartussaasup naammassisimasaanut imaluunniit pissarsiarisimasaanut aamma atuuppoq.

Namminersorlutik Oqartussat, ulloq 28. november 2019

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut